



Broj: 04/1-34-0038/26 Aners
Sarajevo, 28.01.2026. godine

Bosna i Hercegovina
Federacija Bosne i Hercegovine
Kanton Sarajevo
OPĆINSKI NAČELNIK
Služba za privredu,
integrisani lokalni razvoj i društvene djelatnosti
Jošanička br.80
71320 Vogošća

PREDMET: Odgovor na vijećničko pitanje broj 13/5, dostavlja se
(Veza: Vaš akt broj: 03-04-31/26 od 12.01.2026. godine)

Poštovani,

U vezi sa vijećničkim pitanjem broj 13/5 postavljenim na 13. redovnoj sjednici Općinskog vijeća Vogošća, održanoj dana 30.12.2025. godine a koje se odnosi na planirana i neutrošena finansijska sredstva za realizaciju aktivnih mjera zapošljavanja u Kantonu Sarajevo, dostavljamo sljedeći odgovor:

Tokom 2025. godine, kao i u prethodnim godinama, JU „Služba za zapošljavanje Kantona Sarajevo“ Sarajevo (u daljem tekstu: Služba) je u skladu sa važećim zakonskim i podzakonskim propisima, raspisivala javne pozive za učešće u programima aktivne politike zapošljavanja, kojima je predviđena podrška određenim ciljnim kategorijama nezaposlenih osoba.

Zakonom o posredovanju u zapošljavanju i socijalnoj sigurnosti nezaposlenih osoba u Kantonu Sarajevo, članom 4. definisano je da Vlada Kantona utvrđuje godišnji Program mjera za podsticaj zapošljavanja i održavanja više stope zaposlenosti i poboljšanja strukture zaposlenosti u Kantonu Sarajevo (u daljem tekstu; Program) koje se u Kantonu poduzimaju u cilju provođenja pojedinačnih, konkretnih vidova podsticanja zapošljavanja, a isti utvrđuje Vlada Kantona na zajednički prijedlog Ministarstva za rad, socijalnu politiku, raseljena lica i izbjeglice, Ministarstva privrede i Kantonalne službe.

Služba u roku od 15 dana od dana utvrđivanja Programa mjera, objavljuje javne pozive za učestvovanje u realizaciji Programa mjera, najmanje u jednom dnevnom listu koji izlazi u Kantonu Sarajevo i na web stranici Službe.

Obavještavamo vas da se u pomenutom periodu u okviru programa „Siguran korak“ ostala sva neiskorištena, odnosno neutrošena finansijska sredstva. Program je bio namijenjen nezaposlenim osobama iz ciljnih kategorija žrtava nasilja i mladih koji su izašli iz sistema javne brige kod poslodavaca sa područja Kantona Sarajevo. Napominjemo da nije bilo iskazanog interesa potencijalnih korisnika, usljed čega planirana sredstva nisu bila utrošena.

Ističemo da se neiskorištena sredstva, u skladu sa važećim zakonskim i podzakonskim propisima, usmjeravaju u nove podsticajne mjere aktivne politike zapošljavanja na način da u najprihvatljivijoj i najbržoj proceduri Služba pristupi Izmjenama i dopunama Programa mjera kako bi se objavio Javni poziv i finansijska sredstva iskoristila za upošljavanje nezaposlenih osoba sa područja Kantona Sarajevo.

Takođe, napominjemo da su Finansijskim planom JU „Služba za zapošljavanje Kantona Sarajevo“ Sarajevo za 2026 godinu, predviđena sredstva za realizaciju programa aktivne politike zapošljavanja u iznosu od 18.293.944,00 KM.

Kao i u prethodnom periodu, programi će se kreirati na osnovu iskazanih potreba poslodavaca i nezaposlenih osoba, odnosno u skladu sa realnim stanjem i potražnjom na tržištu rada, pri čemu će biti obuhvaćene sve ciljne kategorije nezaposlenih osoba.

S poštovanjem,



Dostavljeno:

1. Naslovu
2. Evidenciji,
3. a/a